

INUIT ATAQATIGIIT

INATSISARTUNI



Nuuk, 12. marts 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Juliane Henningsen, Inuit Ataqatigiit)

Apeqqutit:

Igitassanik piaaneq pillugu Namminersornerullutik Oqartussat nalunaarutaanni nr. 28, 17. september 1993-imeersumi § 15 pillugu § 37 naapertorlugu apeqqutinnut (nr. 172, 2013-imut) Naalakkersuisut ima akissuteqarput:

"Aap, nalunaarutip tullianik iluarsanneqarneranut atatillugu aalajangersakkap annertusineqarnissaa, taamaalillunilu cigaretsikunut eqqaaviit matoqqasut ilanngunneqarnissaat Naalakkersuisut eqqarsaatersuutiginiarpaat."

Tassunga uiggullugu makku apeqqutigissavakka:

- 1) Igitassanik piaaneq pillugu Namminersornerullutik Oqartussat nalunaarutaat nr. 28, 17. september 1993-imeersoq qaqugu Naalakkersuisut nutarternialersaarpaat?**
- 2) Nalunaarutip qulaani taaneqartup § 15-iata nutarterneqarnera cigaretsikunut eqqaavinnut matoqqasunut aamma tunngatinneqalersinnaanera Naalakkersuisut sukkut immikkut ittumik iluaqtissartaqassorivaat?**
- 3) Nutarterinermut atatillugu Naalakkersuisut akimmisaarnarnerusumik, tamatuma ilagalugu pineqaatissiinermut periarfissat sukateriffingineqnissaat, nutaamik nalunaarutiluersaarpat?**
- 4) Nutarterinermut atatillugu Kalaallit Nunaata nunanit allanit, soorlu Singapore-mit, taamatut assingusunik peqqussuteqarfiusunit isumassarsiorsinnaanera Naalakkersuisut isumaqataaffigivaat?**

Akissumminni tassani Naalakkersuisut aamma ima allapput:

"Aap, avatangiisit minguitsuutinnissaat anguniarlugu pissusilersuutaasartunik allannguinissamut paasisitsiniaanissaq Naalakkersuisut eqqarsaatigaat. Paasisitsiniaaneq 2014-imi upernaakkut ingerlanneqassaaq, tassanilu inuit cigaretsikunik eqqagassanillu allanik eqqaavinnut siparninut imaluunniit cigaritsikunut eqqaavinnut igitsisarnissamut eqeersarneqassapput."

Tamanna pillugu matuma kingulianiittut ima apeqquteqarfifgissavaakka:

- 5) Paasisitsiniaanissaq qaqugu aallartinneqassava kinguaariinnullu tamanut tunngatinneqarsinnaaqquillugu tusagassiutit suut atorlugit Naalakkersuisut tamanna qanoq naammassinalersaarpaat?**
- 6) Paasisitsiniaanissap suliarineqarnerani KANUKOKA Naalakkersuisut soleqatigivaat?**

7) Cigaretsikunut eqqaavinnik matoqgasunik nappaajortuinermut atatillugu, assersuutigalugu eqqaaviit pisortanit pigineqartut sanianni, aningaa-sartuutissat pillugit Naalakkersuisut missingersuusiornikuuppat?

Tunngavilersuut:

Erininanggitsumi aput aaqqittussaassaaq taavalu tamani tamaani, minnerunngitsumik bussit unittarfiisa, inissiarsuit isaariaasa pisiniarfiillu saavanni qanoq cigaretsikorpassuaqartiginera ersarinnerulissalluni. Ajoraluartumilli pinngortitami aaqquserngillu sinaanni, aappi sumulluunniit nikikkaluarutta tikittakkatsinni, aamma taamaappoq. Nakimananga isumaqarpunga illoqarfitsinni pinngortitamilu eqqiluitsuutitsinissamut isumaqarfiginnin-nitsinnik kingunilimmik allannguinissamik siunertaqartumik paasisitsiniaanissaq ukiualunnguit ingerlaneranni naammassisqaqfiusalerumaartoq avatangiisitta eqqiluitsuunerulerannik kinguneqartussamik.

Isumaqarpunga nunat tamat akornanni – soorlu Singapore-mi – cigaretsikut igiinnarneqarnikut annikillisaavigineqarnerat annertuumik ukkatarineqartoq, tassungalu atatillugu paasisitsiniaanernut tapertariissillugit pineqaatissiarnerit – tamatumunnga ilagitil-lugit pillaatitut akiliisitsisarnerit aammalu inuiaqatigiinni sulisitaanerit – pisortanit iluat-sitsilluarfiusumik atorneqartarsimasut. Nakimananga isumaqarpunga “periaatsit pitsaanerpaat” (“best practice”) nassaarineqarnissaat anguniarlugu Kalaallit Nunaat nunat tamat akornanni misilittakkanik katersilluarniarsinnaasoq kingornagut nunatsinni illoqarfitta pinngortitattalu nalinginnaasumik eqqiluitsuutinnejarnissaat eqqarsaatigalugu isumassarsiorfittut atorneqarsinnaasunik.

Apeqqtikka ullut suliffiusut qulit qaangiutsinnagit akineqareersimanissaat kissaatigaara.